

2000 جي ايل آستاناسيندا

معنوی دنيا مین

(اوپتيميسٽ ملاحظه لری)

آيدین اردییلی

3 جو میلادی مین ایل لی بین توپو آتیلماغا 3 ایلدهن آز قالیر. گوره سن مین ایل اؤنجه، حاضرکی مین ایل لی گؤزله یرکن، بابالاریمیز نه لر حاقیندا دوشونورموش لر؟ او زامان لار خزر ایمپریاسی نین گونشی یئتمکده اولارکن، بؤیوک سلجوق لارین بخت اولدوزلاری پاریلدا ییردی. یعنی مین ایل لیکده تورک اولادی نی بؤیوک مدنیت لر و ایمپریالار یارادیجی لاری اولماق گؤزله ییردی. خزرتورک یهودی ایمپریاسی 965ده هلاک اندیجی روس هجومونا معروض قالمیشدی. آما اوغوزعائله سی نین بیر قولو اولان آدلارینی خزر سرداری «تورقان» ین اوغلو «سلجوق» دان آلمیش سلجوق لار بیزانس ایمپریاسی ایله بغداد خلافتی نین ایمپریاسینا بیر یئرده حکم سوره جک ایدیلر. آلتای لاردا، آسیانین استپ لرینده، قباچاق چؤلونده، قافقاز اطرافیندا، وولقا چایی بویو بارلی توپراق لاردا و سایر یئرلرده یاشاییب یارادان تورک لری ن حاضرکی مین ایل لی بین آستاناسیندا نه کیمی مسئله لری دوشونوب مباحثه اندیکلری نی بیلیمک چتین دیر. سؤز یوخ دیرکی اونلار نجه آخشامایه مک و گئجه اوچون یاتماغا یئر مسئله لریندهن داهادرین و دها اوزاخ لاری دوشونورموش لر. یوخسایستک، آرزو و دوشونولموش استراتژیک پلانلار اولمادان دونینین آن بؤیوک ایمپریالارینی یارادیب و یوز ایل لرله اداره ائتمک، نجه ممکن اولاییلر. بو حال دان فرقلی اولراق 19 جی 100 ایل لی بین سون ایللرینده تورک لری اؤزونه مشغول ائدهن مسئله لر حاقیندا معلومات چوخ دور. او ایل لرده علم و تکنیک انقلابی نین مسیحی غربه اوستون لوک وئردی ییندهن یارانان شرایط و غرب ایله روسیه قارشلی سیندا ترازلیغی ساخلاماق، آن مهم مسئله ایدی. بو دؤورده باشقا بیر بحران دؤولت ایدیه ئولوقیاسی نین ساحه سینده باش وئردی؛ بیر یاندان دنیا مدرن معنادا «ملت» آنلامی آرایاچیمیشدی و بو آنلامین چرچیوه سینده دین دها اساس بیرلشدیریجی عامل دئیلدی و باشقا طرفدهن عثمانلی ایمپریاسی نین نه مسلمان آما غیر تورک اهالی سی ده (اؤز لری نین ایسته ییب ایسته مه دی بی و خیر لری نه اولوب اولمادیغیندان آسیلی

اولما ياراق) «توپ قاپى» دا اوز دۇندەرمە يە باشلا دىلار. «توپ قاپى» سلطانى نين «خليفه اميرالمؤمنين» كىمى تورك و غيرتوركلره اسلام بايراغى آلتىندا حكىم سورمەسى گونەن گونە چتتين لشيروى و...

بىزده بوگون صاباحىمىزى دوشونمەلى بىك. بو مقاله ده من صاباحىمىزى نىك بىن / اوتىمىست و آيدىن گورمە يە چاليشا جاغام. بئله بىر باخيش البته گويلر يمىزده كى قارا بولودلارى گورمە مك دئيل دير. بو تجريد، موضوع نو يازىچى اوچون راحت لاشديرير و اوخوجويادا مطلبى آماق دا يارديمچى اولور.

1920 جى ايل لردە دنيانين سياسى خريطهسى آنجاق توركلرين ضررينه ديشد ييرىلدى. توركلرين بيربيريله رابطه يوللارى نين اوستونده يئرلشن روسيه تركييينه داخل اولان توركلرين اۇنجه خارج عالم له سونرا ايسه بيربيرلريله مناسبت لرى يوخ درجه سينه يئندى. بو مسئله نين سببى توتاليتروسويت رژيمى نين قانلى قهرلى اقتدارى ايدى. بو آيرىلىق لارين آما مكانىزمى تىكجه گل گىت لرين كسىلمه سيله بىتمىردى. آلفبا ديوارلارى دمير پرده ن هم هوندور ايدى هم كئچىلمز. اوسته ليك اويدورما كىم ليكلر، آد قويمالار و سرحد چكمله ر ده آيرىلىق لارى آرتىريب درين لشد ييردى. داها كاشغرلى استانبول دان نه خبرى وار ايدى، نه اورا سفر ائده بىليردى و نه اورانين مطبوعات ين، كتابين اوخوماغا قادر ايدى و ساير. دئمه لى بير اوزده ن آلفبا و اوييرى طرفده ن سياسى مانع لر آل سآله وئريب كئچىلمز ديوارلار هورورودولر. زامان اؤتدوكجه ديوارلار اوجاليب، محكم لنيردير. نهايت توركلراوچ سياسى دنيا و اوچ آلفبا عالمى آراسيندا تىك لىب بيربيرينه ياد و يادلارا اسير اولدولار. روسيه و اونا باغلى اولان كومونىست دولت لرى اورتادا، اونون شرق ينده چين، جنوب يندا و غرب ينده كاپيتاليسىت دنيا. بو اوچ عالم بيربيريله ضديت له ياشا دىقلارى ايل لردە بو اوچ دنيانين اسيرى اولان توركلر بيربيرينده ن آيرى قالماغا مجبور ايدىلر. باشقا طرفده ن ايران، عراق، افغانستان، چين توركلرى عرب آلفباسيله ياز دىقلارى حالدا، روسيه اسيرى اولان توركلر كىريل آلفباسى و توركيه توركلرى لاتين آلفباسى ايله يازيب اوخويوردولار. ژئوپوليتىك باخىمدان دا توركلرين آرالار يندا كئچىلمز مانع لرى ياراندى. اوجمله ده ن «زنگه زورون» ارمنستانا هديه اولماسى توركيه ايله قافقاز و توركستان توركلرى نين يول لار ينى كسدى.

بو وضعيت ين نه دره جه ده غير عادى اولدوغونو باشا دوشمك اوچون اسپان دىل لى دنيا يه باخماق اولار. اسپان دىل لى لر توركلردە ن فرقلى اولراق نه كۇمپاكت جغرافى اراضى ده ياشا ييرلار و نه واحداثىك كؤكلرى وار. بىز شرق ده ن غربه بيربيرينه باغلى تورپاق لاردا كۇمپاكت ياشا دىغىمىز حالدا اسپان دىل لى لر آوروپا يله لاتين آمريكا قطع لرى نين (قاره لرى نين) آراسيندا سبه لىب لر. توركلرين اتنىك بيرلى بى و هامىسى نين اسلام دىنى نه كؤنول لو اوز گتىردىك لرى حالدا، هم اسپان دىلى و هم كاتولىك مذهبى ياخين كئچمىش ده اسپانبول مستعمره چى لرى نين رحم سىز و غير انسانى متدلارى ايله لاتين آمريكانين اهالى سينه تحمىل اولونموش دور. آما بو فاكت لارا باخماق

مستعمرات سيستمى چوخندانان بى داغيلسادا اسپان دىلى دنيا بيربيريله مناسبت لىرىنى كسمه يه مجبور اولماميشدير. حتى كمونيست كوبادا بو قايدادان مستثنا اولماميشدير. گابريل گارسيامارکز كيمي ادلى سانلى يازيچى بير گون هاوانادا فيدل كاسترو آقوناخ دير صباح مادريده سون اثرى نين نشرى مناسبتيله اسپانيا انتلكتونل اليتى نين وئردى يى ضيافت ده اشتراك اندير. حتى جناب پاپ ايكنجى ژان پل دا، كوبانى اونوتمايىب اوتن آيلاردا اوز قدم لىرىنى اورا باسدى. آلفبا مسئله سینه گلدیکده اسپان دىلى لىرىن كيريل و عرب آلفباسيندان استفاده ائتمه مكلرى اونلارى بيزيم ايكنجى معنوى آيرى لىقلاريميزدان دا قوروموشدور. بوردا البته سياسى مانع لىرى نظرده آلساق داها مكل بير آنلايش يارانا بيلر. هر توركون اوز تورک لويوندهن دانشديغى حالدا اونا قارشى بير دامغا حاضر اولدوغو حالدا، اسپانيا حتى اسپان دىلى دنيا نين ياخين ليغى نامينه آمريكانين كوبايا قارشى قويدوغو امبارقونو تنقيد انده ركن «پان اسپانيست»! دامغاسى هئچ دلى نين يادينا دوشمور. (هله بوگونه كيمي تهرانين «حوزه فارسى» سى يا «محمود افشار» ين ورته لىرى و صحابه لىرى طرفينده ده لاتين آمريكانين آدى اسپانيا اولماديغينا گوره اونلارى بيربيرلرينه نامحرم اعلان اندهن هئچ بير فتوا صادر اولمايىب دير!)

بو گون آما بيز 3-جو مين ايل لىرى و 21-جى عصرى گوزله يرکن يوخاريدا شرح انديلن 3-باخيم داننه دوروم دايق؟

1- بيزى آيران سياسى بلوكلارين محو اولماسى نين شاهده ييك. داها اورومچو، كاشغر، قانسو، آلماتا، داشكند، باكى، تبريز و استانبول اوچ ضديت لى دنيا نين كئچيلمز ديوارلارى ايله بيربيرلريندهن آيريلميلار.

2- بوتون بو ايل لىرىن دىل يمزده اورتاق عنصر لىرى ضعيف لىدى يى، پيكلرين (ساته لاي لارين) يايديقلارى تله كانال لارى نين تاثيرى آلتيندا تام ده يشه بيلر. بير نئچه ايل ده ن سونرا «تورک سات-1» و «تورک سات-2» ادلى پيكلرين يايديقلارى تله كانال لارين تاثيرى آلتيندا موجود تورک ديالكت لريندهن بيرى اولان استانبول شيوه سى «اورتاق تورک ديالكتى» كيمي کوتله و آيدين لار آراسيندا يايلا بيلر. بير اويغور، بير باشقورد و بير آذربايجان توركو بيربيريله دانيشاركن اوچوده بو «اورتاق تورک ديالكتى» نى اساس گؤتوره بيلرلر.

3- كامپيوتر لىرىن گونده گونه آرتان امكان لارى آلفبا ديوارلارى نين قالديرماق اوچون تكنيكي امكان لار يارانميش دير. نئچه مثال:

بير كتاب يا قازتتى هر 3 آلفبانين اوچوايله ده چيخارداق.

همان كتاب يا قازتتى مختلف تورک ديالكت لرينده چيخاردماق.

قاباخکی ایل لرده چاپ اولموش اثرلری باشقا آلیفبالاردا و باشقا دیالکتلرده نشر ائتمک.

تله ویزیا پروگراملاری نین اصلی سسین ساخلایب، اونلار اوچون باخچی لارین طرفیندهن اؤزدیالکت لرینده یازی سئچمک. مثل اوچون بیر قیرقیز فیلمی یا قیرقیزستان دا دوبله اولموش انگلیس فیلمی بیک دهن وئرلییر. بو فیلم اوچون باکی و تبریزده کی باخچی آذربایجان یازسی، عشق آباد و تورکمن صحرادا کی باخچی تورکمن یازی سی سئچیر و سایر. همین ایشی سینما فیلم لری ایله ده ائتمک اولار.

3- ژئوپولیتیک باخیمدان دا ماراخلی حادثه لر گؤزله نیلییر. مثل اوچون آذربایجان جمهوریتی نین تام قدرته چالیشدیغی بیر استراتژیک پلان اساسیندا بیر طرفدهن خزرین آلتی و اوستویله تورکستان آذربایجانا قوووشور، باشقا طرفدهن آذربایجان، گرجستان یولویله ترکیه و اروپایا چیخیر. بو مدرن «ایپک یولو» تورک عالمی نی یاخینلاشدیریر و «زنگه زور» مانعی نی تام آرادان گؤتورور. عین حالدا کازاخستان چین یولویله ژاپن و آسیانین جنوب شرق بازارلارینا چیخیر. اگر بویانلار حیاتا کئچسه اوندان بو مدرن «ایپک یولو» تورک عالمی نین معنوی یاخینلاشماسی نی آرتیریر و اونلاری مسکو و تهران حاکم لری نه باغلی لیق دان قورتاریر.

بئله لیکله معنوی دنیا میزین یاخینلاشماسی اوچون یازیچی لار، ژورنالیست لر و بوتون مدنیت آداملاری نین قارشسی سیندا اهمیت لی بیر اوخوجو و مخاطب کوتله سی نی اؤزونده یئرلشدیره ن ائودیتوریانین قاپی لارینی آچماق. بو سوزلر فانتازی کیمی گؤرونه بیلر، آما اشاره اولونان اسپان دیل لی دنیا، عرب دیل لی عالمی و اوزوموزن اؤتن عصرده کی مناسبت لری نظرده آلساق هئچ عاغیل دان اوزاق بیر احوالات دئیل دیر. واختیله ملانصرالدین مجموعه سی تبریز، استانبول، کاشغر، قازان، قریم، اورتا آسیا، بغداد و قاهره ده یاشایان تورک لر طرفیندهن اوخونوردو. بوگون ده اسپان دیل لی ادبیات آلیفا آیریلیغی اولمادان و دیالکت فرقلرینه باخمادان بوتون اسپان دیل لی دنیا دا یاییلیرو اوخونور. کیمسه اسپان لارین بو طبیعی مناسبت لرینی بیر اوی دورما ... ایسم له دامغالامیر. بیزده گلن عصرین آستاناسیندا بئله بیر مدنی مناسبت لرین طبیعی حاکم اولدوغونو دنیا یه چاتماغی آرزو ائده بیلریک.